

1 2005


9276к


ЖАЛЫН БАСПАСЫ



ОРАЗАҚЫН АСҚАР

Атамекене овалғанда





ОРАЗАҚЫН АСҚАР

Атамекене оралғанда



Өлеңдер мен поэмалар



Алматы
“Жалын баспасы”
2005

ББК 84 Қаз 7-5

О 88

Қазақстан Республикасының Мәдениет,
ақпарат және спорт міністірлігінің
бағдарламасы бойынша шығарылып отыр

Оразақын Асқар

О 88 Атамекенге оралғанда. Өлеңдер мен поэмалар. —
Алматы: 2005. — 272 бет.

ISBN 9965-693-14-5

Бұл жинаққа ақынның 1978-жылдан 1985-жылға дейінгі
жазған өлеңдері мен поэмалары топтастырылды.

Атамекен аясында жазған әр алуан тақырыптағы бейнелі
олен-жырларымен қоса сәйгүліктер жайында жан-жақты
қамтылған алты тараудан тұратын “Замана дүлдүлі” атты және
“Ұлы тоғыс” деген Түркісіб темір жолы туралы поэмалары
сінді.

О $\frac{4702250202-02}{408(05)-05}$ 2-2005

ББК 84 Қаз 7-5

ISBN 9965-693-14-5

© Оразақын Асқар

© “Жалын баспасы” ЖШС 2005



ҚЫЗҒАЛДАҚТАР

Қызғалдақтар ашып алдан түр есік,
Қызғалдақтар келе жатыр ілесіп.
Көп алып ек үлкендердің алғысын,
Келеміз біз жолымызға гүл өсіп.

Қызғалдақтар айтты нәзік бізге әнді,
Ардақтатты қызғалдақтай қыздарды.
Құшақ ғулге толды деген түк емес,
Қызғалдақтар құшағына бізді алды.

Қызғалдақ бол жатты дала көсіліп,
Баптай алмас ешкім мұнша өсіріп.
Қайттық үйге көздеріміз алаулап,
Қызғалдақты көңілімізге көшіріп.

28-мамыр, 1978

ЖЕР

Тексеріп тәнін қарашы,
Жетеді жердің жарасы.
Сан рет күлгे айналып,
Қаланған қайта қаласы.

Таусылып талай шарасы,
Күнге де жеткен наласы.
Шашылған қаңқа сүйектен
Босамай сай мен саласы.

Қорғаған ата-бабасы,
Төленген жердің бағасы.

Ешкім де емес бересі,
Ешкім де емес аласы.

Уланбай ақыл, санасы,
Көгерген адам баласы.
Жеміске толсын ауласы,
Егіске толсын даласы.

Жетеді көздің аласы,
Біткен жоқ пікір таласы.
Бықсуга соғыс өртінің
Сөнбеген өлі шаласы.

Адамдар сергек қарашы,
Жоқ жердің басқа жаңасы.
Дәңгелек үстел секілді ол,
Болайық қоршап панаы.

2-маусым, 1978

* * *

Алансыз жұмыс күндерім,
Қызықты неткен нұрлы едің.
Жаныма қандай жайлышың,
Үйқысы тыныш түндерім.

Ұзатып іске күнбе-күн,
Қарсы алып үйім түр менің.
Тентек ұл, ерке қыздарым
Өздеріңменен біргемін.

Жарасып досқа әзілім,
Естілген жарға наз үнім.
Қарынның ғана қамы емес,
Іздеймін жаннның азығын.

Өз елім, құтты қонысым,
Өзегім жырға толысын.
Бар ойым адал атқару
Ер-азаматтың борышын.

3-маусым, 1978

ОТАН-АНА

Алыстан аңсап сені Отан — ана,
Зар болып зорға жеткем босағана.
Мені де мерт етуі мүмкін еді,
Аңдыған бір Бекежан Қособада.

Қатерден арашалап төніп келген,
Өзіңсің қуат берген, ерік берген.
Шыр етіп шерменде боп шетте туып,
Отансыз тұл тірлікті көріп келгем.

Ұласып бесік жырым “Елім-айға”
Деп шыққан тілім: — Баба жері қайда?
Егіліп айтқан әке естелігі
Есейтті ерте қанат беріп ойға.

Мен емес сенен кеткен, келген менмін,
Баршасын игіліктің елден көрдім.
Аранын ашқан ажал аузынан қап,
Сырқатқа шетте тап боп, сенде емделдім.

— Мұнда алған бағытыңның бәрі жазық,
Жи, — дедің, — қалауынша жанына азық.
Жоғары оқуынды бітірсем де,
Келемін білім кенін әлі қазып.

Ақын боп, азамат боп Отан-ана,
Өзіңнен қайта тудым осы арада.
Жер түгіл, айды айналып күнді құшсам,
Жаныма мұнша шаттық қоса ала ма.

Ойласам ықыласынды өседі еңсем,
Әлпештеп жолыма гүл төсеген сен.
Корыңа өз қолымнан үлес қосып,
Арман не үл міндетін өтеп өлсем.

8-маусым, 1978

Жаркент

* * *

Қарайды хал-жайыңа қайдан бала,
Өмірге келеді қан майданда да.
Елей ме от пен суды жас балдырған
Жарыққа жапырағын жайған жана.

Ат жалы, туар түйе қомында да,
Туады тұтқында жау қолында да.
Мәпелеп мейіріммен құшақ ашып,
Аузына ақ сүт тосар оның да ана.

Тарихта көрде де ұл туған жоқ па,
Туған бар самолетте, парада.
Ай күні толған кезде дей алар кім:
“Отанға оралғанша шыда, тоқта?”

Тұыппын солар тектес мен де шетте,
Өзінді іздегенді ерге есепте.
Атынды ана сүтпен бірге емдік,
Аңсадық өз сұынды шөлдесек те.

Отанға болмаса да тіреу, тұлға,
Кашан да отан керек қызға, ұлға.
Мен соңда туып ем деп шолақ ұқса,
Тартпай ма біреу көкке, біреу суға.

“Ер туған жеріне” – онды мақал екен,
Біреулер соны бұрып жатады екен.
Тебеге туған халқың ту көтерген,
Емес пе нағыз отан – атамекен?!

8-маусым, 1978 ж.

* * *

Атынан айналайын атамекен,
Өзіңсің мейірімді ана, қатал әкем.
Аянда бұтақ пана, сұың серік,
Сенсіз жер толған қауіп-қатер екен.

Атынан айналайын атамекен,
Әр тасың алтын тақпен қатар екен.
Әр төбен қөзіме оттай басылады,
Басына атам шыққан жота ма екен.

Атынан айналайын атамекен,
Аймалап желің де тіл қатады екен.
Аңсап кеп бұлағыңдан су сімірген,
Бейне бір тіліңнен бал татады екен.

Атыңдан айналайын атамекен,
Қалың ел төсінде алшаң басады екен.
Толы екен қалаң зауыт, далаң малға,
Егісің көкжиектен асады екен.

Атыңдан айналайын атамекен,
Данқыңдан жау сескеніп сасады екен.
Бақ, байлық, өнер, білім өз алдына,
Өзің үл болу да атақ екен.

9-маусым, 1978
Қызылесте

ШЕКАРА

Шекара – шет екен ел басталатын,
Араға таспадай жер тасталатын.
Бірде тау болса, бірде өзен екен,
Екі ел екі жағын басқаратын.

Зерттейтін аспандағы бұлтын да адам,
Ұшқан құс тексерілген, ұмтылған аң.
Әр дыбыс, әр қозғалыс есептелген
Жер екен ауасы да тың тыңдаған.

Жоқ екен оның көңіл бөлмегені,
Жоқ екен өмірде оның көрмегені.
Екі жақ тең күзеткен көпір екен,
Үлгідей бос тұратын көрмедегі.

Қол екен доспен тұңғыш танысатын
Сол екен жаумен алғаш алысатын.
Жол екен елді айналған ең бір ұзын,
Өзге елдер жолын жалғап жарысатын.

Ал өзі қарапайым жұпыны екен,
Айтылған әр сөзі бір үкім екен.
Қашан да сақадай сай сақшылары,
Шекара – бұзылмайтын бүтін екен.

Киелі айнымайды қақпадан бір,
Қалт етпей екі ел екі жақтан андыр.
Ортада біздің желмен тұр ырғалып,
Біріне екі жақтың жатпаған гүл.

*10-маусым, 1978
Коргас*

ОРАЛ

Қазақтың еуропалық қарт қаласы,
Өлеңім – көрімдігім тартқан осы.
Ежелден таланттарға құт мекенсін,
Еліңнің ерте өскен салт-санасы.

Пушкин, Даль, Жуковский, Қасым болған,
Қаласың Тоқай, Сәкен досың болған.
Ақында артық бақыт болмас сірә,
Соларға соқпағы кеп қосылғаннан.

Қолбасшы, батыр да көп келіп-кеткен,
Пугачев аз да болса ерікті еткен.
Чапаев жауға пенде болғанша деп,
Атылып Ақжайыққа еніп кеткен.

Таң атып Азиядан алғаш күліп,
Орнықтың Еуропаға малдас құрып.
Шолохов қонағың боп жүреді ылғи
Дәстүрін Толыстойдың жалғастырып.

Таудың да, өзеннің де атын алып,
О, Орал өсүдесің сатыланып.
Дәм татқан өз қолыңнан ұлылардың
Көркейді өр көшөң бір атын алып.

*14-маусым, 1978
Орал қаласы.*

ДАЛА

Дала, дала жазық нендей, кең нендей,
Жол атаулы даланы екі бөлгендей.
Қайда барсақ біз жүрген жер орталық,
Көкжиек түр сызып қойған шенбердей.

Дала, дала өр де жоқ бір, еніс жоқ,
Қойғандай-ақ қолмен біреу тегістеп.
Қалай бұрсаң солай ағып жатыр су,
Бет алысы шабындық боп, егіс боп.

Дала, дала жауға алдырмас қамалым,
Тартқан күйім, шырқап салған жаңа әнім.
Жол бойына қонған қаракүсынды
Көлік күткен кісі екен деп қаламын.

Дала, дала тың көтерген байлығым,
Байқонырдай алаңысың бәйгінің.
Өзге түгіл қос жанағым жарысып,
Салады асыр секілді анау тай-құлын.

Дала, дала дарқандықтың мысалы,
Толып жатыр сенде атқарар іс әлі.
Көлемінді қамтуға тек түр жетіп
Жоғарғы волт желісінің құшағы.

*18-маусым, 1978
Жүлдыш.*

* * *

Исін жұтып жусанның,
Ішпей-жемей бусандым.
Тербеледі бидайық
Түгі тектес сусардың.

Тіл қатқандай тобылғы:
Әкелші,— деп қолынды,
Жүрдек етіп берейін
Шабан болса торынды.

Шаттықтан бір тыншымай
Дей беремін “Шіркін-ай!”
Суатта түр тал, терек
Шыбындаған жылқыдай.

Тыныс неткен кең еді,
Осы фой жан керегі.
Бозторғаймен бірге ұшып,
Сайрап кеткім келеді.

20-маусым, 1978

КӨЛДЕГІ КЕШ

Қоғалы көл жалтылдал,
Көз тартады сыйқырлап.
Шағаласы шаңқылдал,
Қызығыштары қиқулап.

Бітпейді құс ойыны,
Көлден шабақ іледі.
Көккүтанның мойыны
Көк құракты тіледі.

Оқсыз келсең көресің
Құстың не бір көркемін.
Ақкуларға ересің
Иемденген көл төрін.

Көлге күннің батуын
Қызықтадым күзетіп.
Қып-қызыл күн ақырын
Қалтындаій быж етіп.

20-маусым, 1978
Ақкөл

АҚША БҮЛТ

Көк аспанда ақша бұлт бөлек, бөлек,
Деп тұрғандай қай жерге көмек керек.
Сусаса егін бір-бірлеп бұлт тұтасып,
Қалмасын деп жауады жер өкпелеп.

Үйір-үйір аққудай көлде жүзген,
Бұлт аумайды текемет өрнегінен.
Жасыл ала жер үсті, көк ала аспан,
Сұлулықты дәл мұндай көрмедім мен.

Суретіндей көз тартқан шеберлердің,
Ұзақ тұрып даланы келер көргім.
Аңызактан ауаны сақтайтындаій
Тасасына әр бұлттың бөгелген күн.

Ақша бұлттар ыстыққа ем болатын,
Қағып-қағып қояды жел қанатын.
Бұлтында да даланың қасиет бар,
Аспаннан да жүретін жерге жақын.

Қияқтана қоймаған мұрттары әлі,
Көк кәүсөрін егін түр үрттағалы.
Жердің тарай бастады шалғын шашын
Көкжиекте аспанның бұлт тарағы.

21-маусым, 1978

ДАЛАМЕН ҚОШТАСУ

Күн жақсы көріскенше қайран дала,
Салатын жер екенсің сайран ғана.

Аянда айналасы аз-ақ, күнде
Құлпырып шыға келдік жайраң қаға.

Уақыт жоқ аялдауға шіркін дала,
Қараған сайын жазар жырсың жаңа.
Телегей теңіз астың асыл қазына
Жазық боп жатқанмен жәй сыртың ғана.

Самалы бір тынбайтын салқын дала,
Қасиет жатыр ғой әр салтында да.
Кең-байтақ сені жаудан қорғап қалған
Ер жүрек емес пе әрі халқым дана.

Ұлдарың өзің тектес дарқан дала,
Сынай бер шілдеде де, қаңтарда да.
Шетінен ақын, әнші, мерген , жомарт
Болуы екен сенің арқаң ғана.

22-маусым, 1978

НӨСЕР МЕН ГҮЛ

Жаңа ғана күн түр еді жарқырай,
Бұлт бүркеп соққан желдің салқыны-ай.
Түндей қою көлеңкеге көміліп,
Тонды гүлдің тұла бойы қалтырай.

Тығыз ауа тарылтқандай тынысын,
Қатер төніп қалғандай бір гүл үшін.
Жапырағын тесіп кете жаздады
Көрсетіп бұлт тамшысының ірісін.

Естігенде көктен күннің күркірін,
Гүл бүгілді айқастырып кірпігін.

Сәлден кейін самалға бас шайқады,
— Мына нөсер бөрмеді-ау, — деп, — бір тыным.

Көрген кезде найзағайдың жарқылын,
Гүл тыншыды тапқандай боп сәл тыным.
Қасарысып тағы басын шайқады
Әдетіне басып бұлтқа қарсының.

Нөсер құйып көкжиекті бөктерлеп,
Сол бетімен соқпай гүлге кетті өрлеп.
Гүлдің күткен күні шықты жарқырап
Аспаны да ашылды әні көкпеңбек.

Гүлді бірақ көре алмадық шаттанған,
Ұзақ қарап нөсерге алыс аттанған.
Өкініштің өрті жайлап өзегін
Ашылмай жан түкпірінде жатты аунап.

Бір басына тағылғандай мың айып,
Гүл еңсесін көтермеді мұңайып,
Гүл қуантып тұрсын десек көркіне
Нөсердің тез оралуын сұрайық.

26-маусым, 1978

ЕСКЕ АЛДЫМ ҚАСЫМ АФАНЫ

Қақпанды ашып өлеңмен,
“Оралым менің, Оралым”.
Көшенді кезіп келем мен,
Ішінде жолдас-жораның.

Жүрді-ау деп осы жолменен
Ойладым қайран Қасымды.
Болсам да бұрын көрмеген
Көзге оттай көп жер басылды.

Жастар жүр күліп жайрандаپ,
Жайнатып “Совет” көшесін.

Жастықтан алып сайрандап
Әкенің кеткен есесін.

Қай үй деп ақын жұмбағы,
Іздедім сырттай көргім кеп.
Үйлердің бәрі ымдады
Тұрғандай бейне “менмін” деп.

Мереке Жайық жағасы,
Күндерде бейбіт бүгінгі.
Көрдің ғой көпті, қараши,
Менің де тындалп жырымды.

— Бол, — дейді, — құтты қонағым,—
Кең пейіл халқы меймандос.
Оралдың көрдім боранын
Қасыммен болған майдандаст.

Шағанның бойы гүл екен,
Ұлы өлең түсті есіме.
Бұлбұл құс қайда жүр екен?
Қасымның қонған төсіне.

Отанға қауіп төнгенде
Қоштасқан қимай қаланы —
Оралды тұңғыш көргенде
Еске алдым Қасым ағаны.

30-маусым, 1978
Шаган

ЕГІЗДЕР ТОЙЫ

Еселеп орындалып күткен үміт,
Қамданды бір үй екі отау тігіп.
Бір жаршы шақырды елді екі тойға,
Үйленбек егіз қызға егіз жігіт.

Көрмепті бұлай тағдыр қосқанын жұрт,
Ақын да отырған жоқ босқа жыр ғып.

Бір ғана билетінде шакырудың
Қос күйеу көз тартады қос қалыңдық.

Құдалар бар деп басқа не тілегім,
Билерін білмей жүр не секірерін.
Бір күнде бір үй екі қыз ұзатып,
Түсірмек енді бір үй екі келін.

Бәріне той біткеннің жарағандар,
Деп тұрды: “Бізді түгел жаңаландар”.
“Топ жарып төрт жас келе жатыр”, – деген
Бұл тойға керек болды жаңа жар-жар.

Қос ақын қос келіннің бетін ашпақ,
Екі топ қосарлана шашу шашпақ.
“Күйеулер, қалыңдықтар отырсын”, – деп
Құтті ел төрден түгел орын тастап.

Екеуден күйеу қосшы, қыз жолдас та,
Екіден болды әркім айтқан тост та.
Құдағи, құда саны қаз қалпында
Дәстүрдің бәрі екіден одан басқа.

Тік тұрып екі асаба той басқарды,
Әр жерде екі реттен той басталды.
Екі рет „ащы“, деген айғай шығып,
Екі рет електір шам сөніп жанды.

Қос жұлде, екі көкпар сұрады көп,
— Қыздым, — деп өкінген бар, — бір-ақ рет.
Екі қыз ғана іштей бір қуанды:
— Мамамыз бір-ақ рет жылады, — деп.

12-шілде, 1978

Шелек

КӨКПАР

Лақ біреу, көкпарда тартушы көп,
Қамшы басар атына әркім “шұ” деп.
Додадан түк ілінбей бос шықса да,
Айтпас ешкім жеңгендер “алсыншы” деп.

Бірде қара көбейер, бірде сиреп,
Бірде дара озады, бірде түйдек.
Кейде адамдар өзара жұлқыласып,
Жерде лақты түяқтар жатады илеп.

Араласар кәрі де, жас та бұған,
Бала қалмас тай мінген қастарынан.
Іздеп жүрген көкпарат алдан шықса,
Тұра қашар кейбіреу сасқанынан.

Білегінде күш бар ма тіресе алар,
Көлігінде күй бар ма ілесе алар.
Оны ойламас біреулер көкпар десе,
Арбадан ат шығарып міне шабар.

Ол қаратпас өзге ойын-сауығыңа,
Көз жұмдырар көп қатер-қауыбыңа.
Қолы ілінсе лақтың сирағына
Бұра тартар әркім өз ауылына.

Топ көбейтіп әншейін қараға еріп,
Жүргендер көп ел танып, дала көріп.
Қамшы батып жанына текке шапқан
Аты ғана қара тер, ала көбік.

Сайрандауға уақыт тапқанда жаз,
Көкпар қуып көппен бір шапқанға мәз.
Топтан озып бел асқан бірен-саран,
Табан тіреп тартысып жатқандар аз.

Екі бүктеп қамшысын тістеп алып,
Нағыз ерлер айқасар ішке барып.
Көкпар қалып, өзі озып жүр біреулер,
Артта қалып аңсаған істері анық.

Ұранға айғай өншейін қосатын бар,
Озғандарды тасадан тосатын бар.
Басым келген басқаны құлатқалы
Дейтіндер бар: “Тартпасын босатындар!”

Көкпар тиіп қалар деп жолымыз бол,
Жүргендер бар өзгеден көлік іздең.
Әлсіздер бар жалынған құштілерге ;
“Тақымыма бір басып беріңіз”,—деп.

Бірі атын жетектеп, бірі айдаған,
Төнсе топ құш қалайша шыдайды адам?!
Жекпе-жекте құш сынап жатқандарды,
“Жер соқтырап солар” деп кім ойлаған?!

Сырттай бір сәт көкпарды бақылаған,
Кетер терең қиялға батып адам.
Көкпар емес, көрдім бір іспектәкіл,
Жайлау дейтін кең байтақ сахнадан.

10-тамыз, 1978

ЕКЕУІҢЕ

Қыын да емес, оңай да емес үй болу,
Үй болу — үйге қамқорлық жасап үйрену.
Қабағын бағу, көңілін табу жарыңың
Екеу бол өмір сүрудің жолын игеру.

Қашанда жарға керегі жылы назарың,
Жалғызысыратпа, тартқызба құту азабын.
“Мен бүйтіп едім, сен неге сүйтпей жүрсің?” — деп,
Орнатпау керек сауданың үйге базарын.

Аяйық жарды, біреуді егер аясақ,
Үйге де керек ішкі де сыртқы саясат.
Үйде де болар әскери қатаң құпия,
Жүрмендер әсте ішкіні сыртқа жая сап.

Асығыстықтан, ашудан абзал безінген,
Дос болу керек қашанда сабыр-төзіммен.
Жар деген өзің, өзім деп тапқан жалғызың,
Кешірімді бол, келіспей жүрме өзіңмен.

Киелі зат жоқ жарыңың махаббатынан,
Екеуінді де аялауга оны шақырам.
Көсегелерің көгерсін деген тілекті
Айтамын барлық үлкен үйлердің атынан.

17-қыркүйек, 1978

ТҮҢФЫШ

Айтқаның екі болмайтын сенің түңфышым,
Сырларың маған мәлім деп құліп тұрмысың.
Еркелігінді ақылмен енді ауыстыр,
Ортаншымыз бен кенжеміз үшін үлгісің.

Түспедің қолдан мәртебең болып тым биік,
Бір саған ала беруші ек киім жылда үйіп.
Жиналған екі, үш шамадан сенің кимінді
Ортаншымыз бен кенжеміз енді жүр киіп.

Көрініп көзге бірінен болып бірі әйбет,
Ойыншық жидық, оған әр өткен күн айғақ.
Таусылар емес, жоғалып, сынып жатса да,
Сіңлің мен інің оларды әлі жүр ойнап.

Сәби шағыңың суреті түр көп әлбом бол,
Сені тартпаған бір де фото отдел қалған жоқ.
Ортаншымыз бен кенжемізге беріп біразын:
— Сендерсің, — десек, сеніп жүр сондай
болғам деп.

25-қазан, 1978

КҮЗ ҚОЛТАҢБАЛАРЫ

I

Төсеген жапырақ жолдарға,
Қыдырдық күзгі орманда.
Әлемнің алуан бояуы
Әр беріп тұрды сол маңға.

Бояудың мұнда бәрі бар,
Бәрінен басым сарылар.
Шындардың қалған қалындағ
Ақ қары көзге шалынар.

Мезгілдің мен деп көркемі,
Куз билеп жатыр өлкені.
Жоқ шығар десек қараны
Қарайр жердің өртені.

Белдеулеп тұрған бектерді
Шыршада күзден жоқ белгі.
Баяғы жасыл қалпында
Салады еске көктемді.

Үйлесер күзгі шақтарға
Жайылып жүрген аттар да.
Кілең бір күрен, кер, құла,
Ағаштай тұнған қапталда..

Көркіне күздің көз қанып,
Куз жайлы тек сөз қозғадық.
Күн нұры селдір бұтақтан
Құйылды жерге бозданып.

II

Арықтар тоқтап теліген,
Арнасы судың кеңіген.
Ағады өзен тыныстап,
Алдағы қыстың демімен.

Жапырақтың жасыл кекілді
Заманы өткен секілді.

Сарғайған жүзін көрді де
Бұтақтан суға секірді.

Салқыннан ел жүр қорынып,
Түсетін суға жоқ үміт.
Жағаға шықты жапырлад
Жапырақтар ғана шомылып.

26-қазан, 1978

III

Өзгөріп бақтың түр өні,
Күз келіп жапырақ түледі.
Еңкейіп жерден аламын,
Жатқандай күздің жүрегі.

Аяқтап жапырақ ерке өнін,
Еселеп жатыр жер сөнін.
— Бұтақта тұра тұrap ем, —
Дейтіндей, — желге келсе әлім.

Жапырақ толы бақтарды,
Жел тыныш қоймай ақтарды.
Асығыс қарап жатқандай
Сарғайған ескі хаттарды.

26-қазан, 1978

IV

Жер бетін ертеңгілік басқан қырау,
Секілді лайлы су аспан мынау.
Сары ала құрақ көрпе жамылды да,
Қалың ақ мамық жастық жастанды тау.

Тұлкі етіп жапырақтарын аунатты бақ,
Қыран жел бітіп қалды аулап бірақ.
Мәуесіз ағаштардың арасынан
Көрінер үйлер көзге аумактырақ.

Тақырлап таstadtы деп шашымды алып,
Аңыз шаң көтереді ашуланып.
— Бар ма, — деп, — тіске ішінер қалған-құтқан,
Төрт түлік қызықтап жүр басын барып.